

आकाशवाणी

पैहले खास-खास खबरां:-

1. भारत ते यूरोपी संघ नै प्रस्तावित मुक्त बपार समझौते लेई अधिकारिक गल्लबात गी मुकदा रुप देई दिता ऐ- जेहदी औचारिक घोषणा अज्ज कीती जाहग।
2. प्रधानमंत्री नरेन्द्र मोदी होर अज्ज गोवा च “भारत ऊर्जा हफ्ता-2026” दे चौथे संस्करण दा वर्चुअल ढंगे नै उदघाटन करगंन।
3. संसद दा बजट इजलास शुरु होने कोला पैहले संसदी मामले दे मंत्री किरण रिजिजू होरें सब्भनें पार्टियें दी अज्ज मीटिंग सद्दी दी ऐ।
4. उत्तराखंड नै समान नागरिक संहिता संशोधन अध्यादेश-2026 लागू करी दिता ऐ- मुखमंत्री पुष्कर धामी होरें आखेया ऐ जे उत्तराखंड नै बाकी राज्य लेई मसाल कायम कीती ऐ।
5. 6एं दिनें दा राश्ट्री संस्कृति ते सैलसफा उत्सव “भारत पर्व-2026” नमीं दिल्ली दे लाल किले च शुरु।
6. हॉकी इंडिया लीग च वेदांता कालिंगा लान्सर्स नै रांची रायल्स गी 3-2 कन्नें रहाइयै खताब अपने नां करी लैता ऐ।
7. ते 19 बरे कोला हेठली उमी दे क्रिकेट विश्वकप दे सुपर सिक्स राउंड च अज्ज भारत दा मकाबला जिम्बाब्वे कन्नें होग।

India -EU Agreement

भारत ते यूरोपीय संघ नै प्रस्तावित मुक्त बपार समझौते लेई अधिकारिक सतह दी गल्लबात पूरी करी लैती ऐ- जेहदी औपचारिक घोषणा अज्ज नमीं दिल्ली च प्रधानमंत्री नरेन्द्र मोदी हुंदी मेजबानी च होने आहले भारत-यूरोपी संघ शिखर सम्मेलन दे दौरान कीती जाहग। यूरोपी आयोग दिया अध्यक्ष उर्सुला फॉन डेर लायन ते यूरोपी परिषद दे अध्यक्ष एंटोनियो कोस्टा होर अज्ज नमीं दिल्ली च प्रधानमंत्री मोदी हुंदे कन्नै 16मीं भारत-यूरोपी संघ शिखर वार्ता च हिस्सा लैगंन। बपार सचिव राजेश अग्रवाल होरें इस बारे जानकारी दिंदे होई आखेया जे एह समझौता बड़ा संतुलित ते दूरदर्शी ऐ जेहड़ा दौने पक्खें बश्कार आर्थिक इक-जुटता गी मजबूती ते बपार ते निवेश गी नमीं रफ्तार देग।

<><><><><><>

PM India Energy Week- Goa

प्रधानमंत्री नरेन्द्र मोदी होर अज्ज थमां दक्खनी गोवा च आयोजित होने आहले “भारत ऊर्जा हफ्ता-2026” दे चौथे संस्करण दा उधघाटन करगंन। उदघाटन दे मगरा प्रधानमंत्री प्रतिनिधियें गी वर्चुअल ढंगै नै सम्बोधत बी करगंन। केन्द्री तेल पट्रोल ते कुदरती गैस मंत्री हरदीप सिंह पुरी- संयुक्त अरब अमीरात दे उद्योग ते प्रोद्योगिकी मंत्री डाक्टर सुलतान अहमद अल जाबेर ते कनाड़ा दे ऊर्जा मंत्री टिम हॉज सन हुंदे इलावा अफ्रीका- मध्यपूर्व- मध्य एशिया ते ग्लोबल सऊथ मुख्खें दे केई बड्डे मंत्री दक्खनी गोवा जिले दे बेतुल गां च आयोजित इस उदघाटन समारोह च हिस्सा लैगंन। “भारत ऊर्जा हफ्ता-2026” दा मुख्ख

उद्देश्य ऊर्जा सुरक्षा गी निग्गर बनाना ते इस क्षेत्र च रासपूंजी लाने लेई प्रेरत करना ते कार्बन उत्सर्जन गी घट्ट करने लेई व्यवहारिक ते व्यापक रुप कन्नै लागू होने जोग रस्ते ते तरीकाकार त्यार करना ऐ- जिनेंगी विकास दे बक्ख-बक्ख चरणें च मजूद अर्थ-बवस्थाएं आसेया अपनाया जाई सकै।

<><><><><><><><>

Goa- IEW

दुनिया दे त्रीये सारें शा बडडे ऊर्जा उपभोक्ता दे रुप च भारत वैश्विक ऊर्जा परिवर्तन च अगेत्री भूमिका अदा करा रदा ऐ। अज्जै थमां लेइयै 30 जनवरी तगर भारत ऊर्जा सप्ताह दा चौथा संस्करण गोवा दे ओ.एन.जी.सी. बैतून परिसर च आयोजित कीता जा रदा ऐ। पेट्रोलियम ते कुदरती गैस मंत्रालय दे संरक्षण हेठ इस प्रमुख कार्यक्रम च 120 मुल्खें 75 जहार शा मते पेशवरें ते 550 वक्ता हिस्सा लैगंन।

<><><><><><><><>

All Party Meeting

केन्द्रीय संसदीय कार्यमंत्री किरण रिजिजू होरें बजट इजलास शा पैहलें प्रमुख राष्ट्रीय मुद्दें ते विधायी कम्में पर चर्चा करने लेई अज्ज बड्डलै 11 बजे सर्वदलीय बैठक सद्दी ऐ। एह बैठक मुख समीति कक्ष च होग ते एहदा मकसद विधायी कम्में गी सुव्यवस्थित करना ते सत्र च पट्टौने आहले प्रमुख राष्ट्रीय मुद्दें दा प्रबंधन करना ऐ। कल थमां शुरु होइयै 2 अप्रैल तोड़ी चलने आहले इस इजलास दा पैहला गेड़ कल थमां 13 फरवरी तोड़ी होग। जिसलै के

दुआ गेड़ 9 मार्च शा 2 अप्रैल तगर चलोग। बजट सत्र च 30 बैठकां होगंन ते केन्द्रीय बजट 2026-27/ इक फरवरी गी पेश कीता जाग। राष्ट्रपति द्रौपदी मुरमू होंरे लोकसभा ते राज्यसभा दौनें सदनें दे सदस्ये गी सम्बोधित करदे होई बजट इजलास दा औपचारिक तौरा पर उदघाटन करगंन।

<><><><><><>

Nitin Nabin W.B

भारतीय जनता पार्टी दे नमें चनोए दे राष्ट्रीय अध्यक्ष नितिन नबीन होर अज्जै थमां दंऊ दिनें दे पच्छिम बंगाल दे दौरे पर रौहगंन। इस दौरान औंदे विधानसभा चुनाएं कोला पैहले पार्टी दे जमीनी ढांचे गी निग्गर बनाने दे मकसद कन्नै आयोजित केई महत्वपूर्ण संगठनात्मक बैठके च शिरकत करगंन। नबीन होर कल दुर्गापुर राज्य कोर टीम दी बैठक दी अध्यक्षता करगंन- जेहदे च संगठनात्मक रणनीति- राजनीतिक रुपरेखा ते औंदे कार्यक्रमें दे बारे च चर्चा करगंन। एहदे मगरा ओ पूर्वी बर्धमान दे चित्रालय मेला मैदान च लग्गने आले बर्धमान विभाग कार्जकर्ता सम्मेलन च हिस्सा लैगंन- जित्थे उन्दा पार्टी कार्जकर्ताएं कन्नै गल्लबात ते बक्ख-बक्ख पैहलुएं पर विचार-बटांदरा करने दा कार्जक्रम बी ऐ। कल दपैहरी मगरा ओ रानीगंज च आसनसोल जिला कार्जकर्ता सम्मेलन च हिस्सा लैगंन- जित्थे उन्दा संगठनात्मक मुद्दे पर चर्चा करने ते जिला स्तर पर पार्टी कार्जकर्ताएं दा मार्ग-दर्शन बी करगंन।

<><><><><><>

Uttarakhand UCC

उत्तराखंड सरकार नै समान नागरिक संहिता संशोधन अध्यादेश UCC -2026 गी लागू करी दिता ऐ। राज्यपाल हुंदी मंजूरी दे बाद एह अध्यादेश तुरत प्रभाव कन्नै लागू मन्नेया जाहग। मुख्यमंत्री हुंदे दफ्तर आसेया जारी इक विज्ञप्ति मुजब उत्तराखंड दे राज्यपाल होरें भारतीय दी दफा 213 दे तैहत इस अध्यादेश गी जारी कीता ऐ- जेहदे राएं UCC कनून 2024 दियें बक्ख-बक्ख बवस्थाएं च प्रतिक्रियात्मक- प्रशासनिक ते दडांत्मक सुधार कीते गेन- तां जे इसी असरदार- पारदर्शी ते बवस्था आहले ढंगे सिर लागू कीता जाई सकै। मुख्यमंत्री पुष्कर सिंह धामी होरें आखेया ऐ जे UCC गी लागू करियै- उत्तराखंड नै होरनें राज्ये लेई इक मसाल पेश कीती ऐ।

<><><><><><>

Bharat Parv

लोकसभा अध्यक्ष ओम बिरला ते केन्द्री संस्कृति ते सैलसफा मंत्री गजेन्द्र सिंह शेखावत होरें नमीं दिल्ली दे लाल किले च 6 रोजा राष्ट्रीय संस्कृति ते सैलसफा महोत्सव “भारत पर्व-2026” दा उदघाटन कीता। इस मौके पर ओम बिरला होरें आखेया जे एह महोत्सव भारत दे सगोसार सांस्कृतिक विरसे गी होर मजबूत ते लोकप्रिय बनाने लेई इक मंच प्रदान करोग। उनें आखेया जे इस महोत्सव दे राएं लोकें गी बक्ख-बक्ख राज्ये ते क्षेत्रे दी संस्कृति गी जानने ते समझने दा मौका हासल होग। उनें आखेया जे एह पैहल मुखे दी सैलसफा छमता गी बधाने च बी मती महत्वे आहली भूमिका अदा करोग। इस आयोजन च बक्ख-

बकख राज्यों ते केन्द्र शासत प्रदेशों दे 34 पंडाल- केन्द्री मंत्रालय दे 24 पंडाल
लाए गेदे न। मुख्य भरै थमां प्रमुख संस्थान ते संगठन बी इस आयोजन च
हिस्सा लै करदे न।

<><><><><><>

Iran Death Toll

ईरान च देशव्यापी प्रदर्शनों पर होई दी कारवाई च 6 जहार 126 लोक मारे गे न
ते एह गिनतरी एहदे कोला बी क्या मती होई सकदी ऐ। एह आंकड़े अमरीका
स्थित मनुक्खी अधिकार कार्जकर्ता समाचार एजेंसी सवा हासल होए न- जिन्नै
जमीनी सतह पर सक्रिय कार्जकर्ताएं ते नैटवर्क दी बिनाह पर हर इक मौत दी
तस्दीक कीती ऐ। उआं ईरान सरकार दा आखना ऐ जे मरने आहले दी गिनतरी
3 जहार 117 ऐ- जेहदे च 2 जहार 427 नागरिक ते सुरक्षाबलें दे जवान शामिल
न ते बाकियें गी आतंकवादी करार दिता गेदा ऐ।

<><><><><><>

Mess Hockey India League

भुवनेश्वर च मर्दे दी हॉकी इंडिया लीग दा खताबी मकाबला वेदांता लांसर्स नै
जिती लैता ऐ। कल खेड्डे गेदे फाइनल मकाबले च लांसर्स नै रांची रायल्स गी
3-2 कन्नै रहाइयै खताब अपने नां कीता। अलैकजेंडर हेन्ड्रिस ते दिलप्रीत सिंह
नै लांसर्स लेई गोल कीते- जिसलै कि रांची रायल्स दी तरफा अरजीत सिंह हुंदल
ते कप्तान टॉम बून नै गोल कीता। हॉकी इंडिया लीग नै चैम्पियन वेदांता
कलिंगा लांसर्स गी 3 करोड़ रपे दुए नम्बरै पर आई दी टीम रांची रायल्स गी 2

करोड़ ते त्रीए नम्बरै पर टीम हैदराबाद तूफान्स गी इक करोड़ रपे दी रकम देने दा ऐलान कीता ऐ।

<><><><><><>

U-19 Cricket World Cup

19एं बरें कोला हेठली उम्मी दे जागतेँ दे क्रिकेट विश्व कप दे सुपर सिक्स राउंड च अज्ज भारत दा मकाबला जिम्बाब्वे कन्नै होग- जेहड़ा बुलवायो दे क्वीन्स स्पोर्ट्स क्लब स्टेडियम च भारतीय समें दे मताबक दिने इक बजे शुरु होग। जिम्बाब्वे दी अडर-19 टीम नै चुनौतीपूर्ण ग्रुप राउंड दे बाद सुपर सिक्स च प्रवेश कीता ऐ। उसी दंऊ मकाबलें च हार दा सामना करना पेया जिसलै कि इक मकाबला बेनतीजा रेहा। तोंआई भारत U-19 टीम टूर्नामेंट च अजें तोड़ी सब्भै मैच जितदी आई ऐ। टीम नै ग्रुप राउंड च अमरीका- बांगालदेश ते न्यूजीलैंड गी रहाइयै अपना शानदार प्रदर्शन जारी रखे दा ऐ।

<><><><><><>

IMD Weather

मौसम विभाग नै अज्ज हरियाणा-पंजाब- दिल्ली ते चंडीगढ़ लेई सीत लैहर दी चेतावनी जारी कीती ऐ- जेहदे चलदे लोकें गी जरूरी एहतियात बरतने लेई आखेया गेदा ऐ। तोंआई जम्मू-कश्मीर- हिमाचल-प्रदेश- लद्दाख ते उत्तराखंड दियें टांवी-टांवी थाहरें अज्ज बारी बरखा ते बर्फबारी दे बी इमकान दस्से गेदे न। मौसम विभाग दा आखना ऐ जे अगले 2 कोला 3 दिनेँ दौरान उत्तर भारत दे ज्यादातर इलाकें च तापमान 2 कोला 3 डिग्री तगर होर झिगड़ा जाई सकदा ऐ।